



# HRUNAMANNAHREPPUR

## 6. FUNDUR SVEITARSTJÓRNAR KJÖRTÍMABILÍÐ 2018 – 2022 12. FUNDUR ÁRSINS VAR HALDINN MÁNUDAGINN 5. NÓVEMBER 2018 KL. 14.00 Í RÁÐHÚSINU FLÚÐUM

Árið 2018, þann 5. nóvember kom sveitarstjórn Hrunamannahrepps saman til fundar kl. 14:00 í Ráðhúsi sveitarfélagsins á Flúðum. Eftirtaldir sátu fundinn: Halldóra Hjörleifsdóttir, Sigurður Sigurjónsson, Kolbrún Haraldsdóttir, Bjarney Vignisdóttir, Jón Bjarnason og Jón G. Valgeirsson sveitarstjóri, sem skráði fundargerð. Halldóra Hjörleifsdóttir setti fund og stjórnaði honum. Hún bauð fundarmenn velkomna og óskaði eftir athugasemdum við fundarboð. Engar athugasemdir voru gerðar. Oddviti óskaði eftir að taka fyrir eitt mál, fundargerð 165. fundar skipulagsnefndar frá 31. október s.l. og afgreiðsla byggingafulltrúa frá 17. október s.l. Sveitarstjórn samþykkir að leggja erindið fram.

Gengið til dagskrár:

### Erindi til sveitarstjórnar:

#### 1. **Drög að fjárhagsáætlun 2019-2022. (Fyrri umræða)**

Lögð voru fram drög að fjárhagsáætlun 2019-2022 og minnisblað um forsendur áætlunarinnar. Sveitarstjóri fór yfir helstu kennitölur og forsendur fjárhagsáætlunarinnar fyrir árið 2019. **Helstu forsendur eru:** Reiknað er með að tekjur af útsvari hækki um 22 milljónir frá áætlun 2018. Gert er ráð fyrir að framlög úr **jöfnunarsjóði** hækki um 1 milljón frá áætlun 2018. **Fasteignaskattur** er byggður á bráðabirgðaáætlun fyrir árið 2018. Fyrir liggur að almennt hækkar fasteignamat um 11,7%. **Álagningarhlutföll** ársins 2019 vegna fasteignagjalda verða óbreytt frá árinu 2018 að öðru leyti en því að álagningarhlutfall í A-flokki lækkar úr 0,54 í 0,50. Lóðaleiga verði áfram 0,5% af fasteignamati. **Gjaldskrár** hækki almennt um 2,8% í samræmi við verðlagshorfur. **Rekstur einstakra málaflokka var yfirfarinn** með hliðsjón af áætlun síðasta árs og gerðar breytingar eftir því sem ástæða var talin til. Haft var samráð við forstöðumenn deilda. **Þjónustutekjur** sem lagðar eru á með fasteignagjöldum eru áætlaðar með hliðsjón af fyrirliggjandi tillögum. **Önnur atriði:** Gert er ráð fyrir afborgunum lána í samræmi við skilmála þeirra. **Eignasjóður – rekstur:** Til tekna færast leigutekjur frá aðalsjóði en til gjalda færast bein rekstrargjöld s.s. viðhald, fasteignagjöld og tryggingar. **Eignasjóður fjármunatekjur og fjármunagjöld:** Meðal fjármunatekna og fjármagnsgjalda færast vaxtagjöld af langtímaskuldum við aðalsjóð og vegna annarra langtímalána. **Fjárfestingar og lántökur:** Gert er ráð fyrir nettó fjárfestingum að fjárhæð kr 88,0 millj. aðallega vegna gatna- og stígakerfis, sparkvallar, íþróttahúss, íþróttasvæðis, ljósleiðara, fráveitu, vatnsveitu og hitaveitu. Gert er ráð fyrir lántöku að fjárhæð kr. 40 millj. vegna þessara fjárfestinga. **Helstu niðurstöður:** Samkvæmt niðurstöðum rekstrarreiknings er tekjuafgangur á samstæðunni (A og B) að fjárhæð kr. 73,7 millj.

Eftir umræður og fyrirspurnir samþykkti sveitarstjórn að vísa áætluninni til seinni umræðu með breytingum sem ræddar voru á fundinum og þau atriði sem þarf að skoða sérstaklega á milli umræðna.

#### 2. **Ákvörðun um álagningarprósentu útsvars 2019.**

Oddviti kynnti og lagði fram tillögu um álagningarprósentu útsvars árið 2019. Lagt er til að álagning verði 14,52 % sem er sú sama og var á síðasta ári. Sveitarstjórn samþykkir tillöguna.

#### 3. **Álagningarhlutfall fasteignaskatta 2019.**

Oddviti kynnti og lagði fram tillögu um álagningarhlutfall fasteignaskatta fyrir árið 2019. Lagt er til að álagningarhlutfall verði óbreytt frá fyrra ári nema í A-flokki þar sem það lækkar úr 0,54 í 0,50. Álagningarhlutfall 2019 verður því í A-flokki 0,50%, B-flokki 1,32% og í C-flokki 1,32%. Sveitarstjórn samþykkir tillöguna.

4. **Starfssamningur oddvita.**  
Sigurður varaoddviti kynnti starfssamning við oddvita. Þar er gert ráð fyrir að laun oddvita verði fest við 45% af þingfararkaupi miðað við júní 2018 sem síðan breytist skv. launavísitölu um hver áramót. Sveitarstjórn samþykkir samninginn og felur sveitarstjóra að undirrita hann. Halldóra vísir sæti við meðferð og afgreiðslu málsins.
5. **Tillaga að greiðslu þóknunar til embættis- og nefndarmanna Hrunamannahrepps 2019.**  
Oddviti lagði fram tillögu að greiðslu þóknunar til embættis- og nefndarmanna fyrir árið 2019. Sveitarstjórn samþykkir að laun sveitarstjórnarmanna, annarra en oddvita, hækki úr 6% af þingfararkaupi í 7% á mánuði en laun oddvita verði samkvæmt starfssamningi. Varamaður í sveitarstjórn fær 3,5% af þingfararkaupi fyrir hvern setinn fund. Að öðru leyti hækka þóknunir fyrir nefndarstörf um 2,8%.
6. **Tillaga að gjaldskrá fyrir félagsheimilið 2019.**  
Oddviti lagði fram tillögu að 2,8% hækkun á gjaldskrá fyrir Félagsheimilið. Sveitarstjórn samþykkir tillöguna. Ný gjaldskrá tekur gildi 1. janúar 2019.
7. **Tillaga að gjaldskrá fyrir meðhöndlun úrgangs í Hrunamannahreppi 2019.**  
Oddviti lagði fram tillögu að gjaldskrá fyrir meðhöndlun úrgangs fyrir árið 2019. Gert er ráð fyrir að jafnaði 7% hækkun frá síðasta ári sem er tilkomin vegna mikillar aukningar á magni sorps og kostnaði við meðhöndlun og eyðingu. Sorphirðugjald íbúðarhúsa verði óbreytt kr. 15.000 vegna grátunnu en vegna blátunnu hækkar hirðugjaldið úr kr. 6.200 í kr. 13.800 þar sem gert er ráð fyrir hún taki einnig við plasti og málmum sem kallar á helmingi meiri hirðingartíðni. Sorpeyðingargjald íbúðarhúsa verði óbreytt kr. 21.500 þar sem gera má ráð fyrir að aukin flokkun í blátunnu skili minni úrgangi til urðunar, vegna frístundahúsa kr. 20.400 og atvinnuhúsnæðis kr. 52.500. Sérstakt aukasorpgjald þar sem flokkað er eftir magni í 9 flokkum hækkar einnig um 7%. Leiga á gámum og blátunnukörum hækkar um 2,8%.  
Gjaldskráin hefur verið tekin fyrir hjá umhverfisnefnd og samþykkt. Sveitarstjórn samþykkir tillöguna.
8. **Gjaldskrá vatnsveitu 2019.**  
Oddviti lagði fram tillögu að gjaldskrá fyrir vatnsveitu. Gjaldskrá vatnsveitu vegna íbúðarhúsnæðis verður óbreytt 0,25% af fasteignarmati en lágmarksgjald hækkar í kr. 36.200 eða um 2,8%. Hámarksgjald á íbúðarhúsi verður óbreytt kr. 55.000. Fast vatnsgjald í frístundahúsi hækkar um 2,8% og verður kr. 36.200. Vatnsgjald í atvinnuhúsnæði verður óbreytt 0,15% af fasteignarmati og lágmarksgjald óbreytt eða kr. 65.000. Heimæðagjöld hækka ekki. Aðrar hækkanir nema 2,8%. Gjaldskráin hefur verið tekin fyrir hjá veitustjórn og samþykkt. Sveitarstjórn samþykkir tillöguna.
9. **Gjaldskrá fráveitu 2019.**  
Oddviti lagði fram tillögu að gjaldskrá fyrir fráveitu. Gjaldskrá vegna fráveitu á íbúðar- og atvinnuhúsnæði í þéttbýlinu á Flúðum verður óbreytt eða 0,25% af fasteignarmati og hámarksgjald íbúðarhúsnæðis verður óbreytt kr. 55.000. Hámarksgjald á atvinnuhúsnæði verður verður óbreytt kr. 213.600. Árlegt gjald fyrir hreinsun og tæmingu rotþróa utan þéttbýlisins á Flúðum verður kr. 9.100 og hækkar um 6%. Heimæðagjöld í þéttbýlinu á Flúðum hækka ekki. Aðrar hækkanir nema 2,8%.  
Gjaldskráin hefur verið tekin fyrir hjá veitustjórn og samþykkt. Sveitarstjórn samþykkir tillöguna.
10. **Gjaldskrá mótuneytis 2019.**  
Oddviti lagði fram tillögu að gjaldskrá fyrir mótuneyti Flúðaskóla, Undralands, Heimalands og skóladagheimilis. Gert er ráð fyrir að verð á hressingu í Flúðaskóla hækki úr kr. 77 í kr. 79 og skólamáltíð hækki úr kr. 360 í kr. 370 fyrir börn og starfsfólk sveitarfélagsins. Í leikskólanum Undralandi hækki gjald fyrir hádegisverð úr kr. 340 í kr. 350, morgunhressing hækki úr kr. 73 í kr. 75 og síðdegishressingu úr kr. 112 í kr. 115. Þá er lagt til að tímagjald vistunar í skólaseli hækki úr kr. 326 í kr. 336, gjald fyrir máltíð úr kr. 117 í kr. 120. Máltíð vegna Heimalands og annarra hækki úr kr. 600 í kr. 700 og tekið verði sérstakt heimsendingargjald kr. 205 kr. fyrir mat til eldri borgara nema til íbúða í Heimalandi. Sveitarstjórn samþykkir að breyta tillögu um heimsendingu á mat með hliðsjón af óskum Öldungaráðs þannig að heimsendingargjald verði lagt á

alla sem njóta heimsendingar og verði kr. 190 á ferð og samþykkir gjaldskrána að öðru leyti.

**11. Tillaga um tekjutengdan afslátt af fasteignaskatti hjá elli- og örorkulífeyrisþegum í Hrunamannahreppi 2019.**

Oddviti lagði fram og kynnti tillögu að reglum um tekjutengdan afslátt af fasteignaskatti elli- og örorkulífeyrisþega þar sem tekjuviðmið hækka um 2,8%. Sveitarstjórn samþykkir gjaldskrána.

**12. Gjaldskrá fyrir íþróttahús og sundlaug.**

Oddviti lagði fram tillögu að gjaldskrá fyrir sundlaug og íþróttahús. Þar er gert ráð fyrir að stök gjöld hækki um 6%, kort fyrir fullorðna hækki um 2,8% en kort fyrir börn hækki ekki. Aðrar hækkningar eru um 2,8% nema leiga á íþróttasal verður óbreytt milli ára. Gjaldskráin hefur verið tekin fyrir hjá lýðheilsu- og æskulýðsnefnd þar sem lagt var til að hún verði óbreytt milli ára. Sveitarstjórn telur eðlilegt að stakir miðar í sundlaug, íþróttahús og tækjasal hækki skv. tillögunni en að verð fyrir 10 tíma-, mánaðar- og árskort fyrir börn og fullorðna haldist óbreytt og samþykkir gjaldskrána að öðru leyti og að breytingar taki gildi 1. janúar 2019.

**13. Samgöngu- og sveitarstjórnarráðuneytið: Samráðsgátt vegna draga að nýrri reglugerð um Jöfnunarsjóð.**

Oddviti kynnti erindi frá Samgöngu- og sveitarstjórnarráðuneytinu þar sem drög að nýrri reglugerð um Jöfnunarsjóð sveitarfélaganna eru sett í samráðsgátt til umsagnar sveitarfélaganna.

**14. Starfsmannamál.**

Oddviti kynnti annars vegar uppsagnarbeiðni íþrótt- og æskulýðsfulltrúa og yfirmanns íþróttamannvirkja Hrunamannahrepps sem hefur verið í 40-50% starfshlutfalli og hins vegar tillögu að ráðinn verði starfsmaður í áhaldahús Hrunamannahrepps í fullt starf sem myndi skiptast í 7 mánuði vegna vinnu á hreinsibifreið og hins vegar 5 mánuði í áhaldahúsi. Sveitarstjórn samþykkir að auglýsa þessi störf.

**15. Slysavarnarfélagið Landsbjörg 90 ára: Afmæliskeðja.**

Oddviti kynnti beiðni frá Slysavarnarfélaginu Landsbjörgu um styrk að fjárhæð kr. 50.000 vegna útgáfu afmælisblaðs í tilefni 90 ára afmælis félagsins. Sveitarstjórn samþykkir erindið og bókast styrkurinn á lið 0780.

**16. Sýslumaðurinn á Suðurlandi: Umsagnarbeiðni vegna rekstrarleyfis gististaðar, Guesthouse Saga Syðra-Langholti.**

Oddviti kynnti umsagnarbeiðni frá Sýslumanninum á Suðurlandi vegna umsóknar Guesthouse Saga um rekstrarleyfi vegna gistingar í Syðra-Langholti. Sveitarstjórn samþykkir erindið fyrir sitt leyti.

**17. Tillaga að götuheitum: Laxárlíð/Gröf.**

Oddviti kynnti tillögur sem bærust frá Guðríði Þórarinsdóttur um götuheiti á þrjár götur í nýju hverfi í Laxárlíð/Gröf. Sveitarstjórn þakkar fyrir tillögurnar og felur sveitarstjóra og oddvita að vinna áfram með tillögurnar.

**18. Vegagerðin: Niðurfelling vega af vegaskrá.**

Oddviti kynnti erindi frá Vegagerðinni þar sem tilkynnt er um fyrirhugaða niðurfellingingu vega úr vegaskrá vegna hluta Unnarholtsvegar (3475) og Smárahlíðarvegar (3424) úr vegaskrá.

**19. Ásabyggð 2: Forkaupsréttur.**

Oddviti kynnti beiðni frá Þuríði Pálsdóttur þess efnis að Hrunamannahreppur falli frá forkaupsrétti sínum að fasteigninni Ásabyggð 2 skv. lóðaleigusamningi vegna sölu eignarinnar. Sveitarstjórn samþykkir að falla frá forkaupsrétti sínum að fasteigninni Ásabyggð 2 í Hrunamannahreppi, fastanúmer 220-4108 skv. samþykktum kaupsamningi í eignina.

**20. Persónuverndaryfirlýsing Hrunamannahrepps.**

Oddviti kynnti persónuverndaryfirlýsingu Hrunamannahrepps. Sveitarstjórn samþykkir fyrirliggjandi persónuverndaryfirlýsingu og að hún verði jafnframt endurskoðuð í desember 2019.

**21. Umhverfis- og samgöngunefnd Alþingis: Umsagnarbeiðni um tillögu til þingsályktunar um 5 ára samgönguáætlun fyrir árin 2019-2023.**

Oddviti kynnti umsagnarbeiðni frá Umhverfis- og samgöngunefnd Alþingis um tillögur til þingsályktunar um 5 ára samgönguáætlun fyrir árin 2019-2023. Sveitarstjórn telur afar brýnt að hringtorg á Flúðum sé inn í samgönguáætlun enda mikil slysaætla sem er vegna núverandi ástands en hringtorgið var inn í

- eldri áætlun. Þá leggur sveitarsjórn áherslu á að Vegagerðin geri ráð fyrir að fjármunum verði varið úr tengivegapotti til að klára lagningu bundins slitlags á Langholtsveg og lagt verði bundið slitlag á Hrunaveg frá Flúðum upp að Hruna.
22. **Umhverfis- og samgöngunefnd Alþingis: Umsagnarbeiðni um tillögu til þingsályktunar um samgönguáætlun fyrir árin 2019-2033.**  
Oddviti kynnti umsagnarbeiðni frá Umhverfis- og samgöngunefnd Alþingis um tillögur til þingsályktunar um samgönguáætlun fyrir árin 2019-2033.
23. **Allsherjar- og menntamálanefnd Alþingis: Umsagnarbeiðni um frumvarp til laga um breytingu á ýmsum lögum vegna afnáms um uppreist æru.**  
Oddviti kynnti umsagnarbeiðni frá Allsherjar- og menntamálanefnd Alþingis um frumvarp til laga um breytingu á ýmsum lögum vegna afnáms um uppreist æru.
24. **Allsherjar- og menntamálanefnd Alþingis: Umsagnarbeiðni um frumvarp til laga um skráningu og mat fasteigna.**  
Oddviti kynnti umsagnarbeiðni frá Allsherjar- og menntamálanefnd Alþingis um frumvarp til laga um skráningu og mat fasteigna.
25. **Atvinnuveganefnd Alþingis: Umsagnarbeiðni um tillögur til þingsályktunar um mótun eigendastefnu ríkisins með sérstöku tilliti til bújarða.**  
Oddviti kynnti umsagnarbeiðni frá Atvinnuveganefnd Alþingis um tillögur til þingsályktunar um mótun eigendastefnu ríkisins með sérstöku tilliti til bújarða.

**Fundargerðir v. nefnda Hrunamannahrepps:**

26. **Ungmennaráð Hrunamannahrepps. Fundargerð ráðsins frá 23. október s.l.**  
Oddviti kynnti fundargerð Ungmennaráðs Hrunamannahrepps frá 23. október s.l. Ráðið skipti með sér verkum þannig að Nói Mar Jónsson var kosinn formaður, Mathias Bragi Ölvisson varaformaður og Una Bóel Jónsdóttir ritari. Farið var yfir samþykktir ráðsins og kynnt fyrir ráðinu hlutverk þess og vinnu við heilsueflandi samfélag. Ungmennaráðið leggur til breytingu á samþykktum ráðsins þannig að greitt verði fyrir fundarsetu í ráðinu. Rætt um að halda þing fyrir ungmenni og börn í Uppsveitum, rætt um heimsmarkmið sameinuðu þjóðanna, frekari flokkun úrgangs og bættu þjónustu sálfræðinga, námsráðgjafa og hjúkrunarfræðinga í Flúðaskóla. Sveitarstjórn samþykkir að greidd verði almenn nefndarlaun fyrir fundarsetu í ungmennaráði frá og með 1. janúar 2019 og fundargerðin lögð fram til kynningar að öðru leyti.
27. **Umhverfisnefnd: Fundargerð 3. fundar nefndarinnar frá 30. október s.l.**  
Oddviti kynnti fundargerð 3. fundar umhverfisnefndar. Þar var fjallað um fjárhagsáætlun fyrir árið 2019 og gjaldskrá fyrir meðhöndlun úrgangs fyrir 2019. Kynnt var fjárhagsáætlun og gjaldskrá fyrir fráveitu og gjaldskrá fyrir móttöku og meðhöndlun seyru. Þá var ræddur ársfundur Umhverfisstofnunar, náttúruverndarnefnda og forstöðumanna náttúrustofu sem haldinn verður á Flúðum 8. nóvember n.k. Þá leggur nefndin til að opnunartími gámasvæðisins á Flúðum vegna umferðar ökutækja verði stytur þannig að hann verði frá kl. 9:00-20:00 alla daga vikunnar. Einnig leggur nefndin til að gert verði ráð fyrir útgjöldum að fjárhæð kr. 300.000 til eyðingar á skógarkerfli í sveitarfélaginu. Sveitarstjórn samþykkir fundargerðina.
28. **Öldungaráð Hrunamannahrepps: Fundargerð 3. fundar frá 22. október s.l.**  
Oddviti kynnti 3. fund öldungaráðs Hrunamannahrepps. Jón Valgeirsson sveitarstjóri mætti á fundinn og fjallaði m.a. um fjárhagsáætlun fyrir næsta ár vegna málefna sem snerta eldri borgara, um aðgang að íþróttahúsi fyrir eldri borgara, framkvæmdir í Heimalandi o.fl. Kynnt voru mál frá félagi eldri borgara t.d vegna fasteignagjalda, bættu aðstöðu við Heimaland, aðgengismál og aðstoð við slátt og hirðingu garða. Fundargerðin lögð fram til kynningar.
29. **Lýðheilsu- og æskulýðsnefnd: Fundargerð 4. fundar nefndarinnar frá 25. október s.l.**  
Oddviti kynnti fundargerð 4. fundar nefndarinnar. Þar var fjallað um fjárhagsáætlun fyrir árið 2019 og gjaldskrá fyrir íþróttahús og sundlaug fyrir 2019. Þá var rætt um verkefnið Heilsueflandi samfélag þar sem nefndin lagði til að ráðinn yrði verkefnastjóri fyrir verkefnið. Sveitarstjórn vísar í bókun í lið nr. 12 í fundargerðinni varðandi gjaldskrármál, samþykkir að ráða verkefnisstjóra í verkefnið Heilsueflandi samfélag og felur sveitarstjóra og oddvita að vinna það mál áfram og samþykkir fundargerðina að öðru leyti.

**30. Landbúnaðarnefnd: Fundargerð 6. fundar nefndarinnar frá 29. október s.l.**

Oddviti kynnti fundargerð 6. fundar landbúnaðarnefndar s.l. Farið var yfir drög að fjárhagsáætlun fyrir málaflökkinn 2019 og álagning fjallskila fyrir árið 2018 rædd. Nefndin óskaði einnig eftir að meira fjármagni yrði í veitt vegabætur og endurnýjun girðinga á afréttinum. Þá var einnig óskað eftir fundi með sveitarstjórn og umsjónarmönnum fjallaskála á afréttinum.

Fyrir nefndinni lá tillaga að álagning fjallskila fyrir árið 2018 yrði óbreytt frá árinu 2017 þannig að lögbýli greiði áfram 1,3% af landverði og gjald fyrir vetrarfóðraða kind verði kr. 85.

Sveitarstjórn samþykkir tillögu að álagningu fjallskila fyrir árið 2018, vísar beiðni um meira fjármagn til seinni umræðu um fjárhagsáætlun og samþykkir fundargerðina að öðru leyti.

**31. Atvinnu-, ferða- og menningarnefnd: Fundargerð 4. fundar nefndarinnar frá 29. október s.l.**

Oddviti kynnti fundargerð 4. fundar nefndarinnar. Þar var fjallað um tillögu að fjárhagsáætlun þeirra málaflökka sem snertir nefndina fyrir árið 2019 og tillögu að gjaldskrá fyrir Félagsheimilið. Á fundinum sem fram fór á Borg í Grímsnesi með sveitarstjórnnum og ferðamálanefndum í Uppsveitum fóru Ásborg Arnþórsdóttir ferðamálafulltrúi Uppsveita og Dagný Hulda Jóhannsdóttir framkvæmdastjóri Markaðsstofu Suðurlands yfir verkefnið „*slagkraftur í samvinnu-ferðamál og framtíðin*“. Fundargerðin lögð fram til kynningar.

**32. Skólanefnd: Fundargerð 2. fundar nefndarinnar vegna Flúðaskóla frá 30. október s.l.**

Oddviti kynnti fundargerð 2. fundar skólanefndar vegna Flúðaskóla frá 30. október s.l. Farið var yfir starfsáætlanir skólaárið 2018-2019, mat/uppgjör starfsáætlunar fyrir skólaárið 2017-2018, skólanámskrá Flúðaskóla og erindisbréf fyrir nefndina. Þá voru lögð fram drög að fjárhagsáætlun fyrir árið 2019 og tillaga að gjaldskrá fyrir mötuneytið á árinu 2019. Þá var farið yfir ráðningu í skólaakstur, úttekt Heilbrigðiseftirlits Suðurlands og rætt um að fá persónuvendarfulltrúa sveitarfélagsins á næsta fund. Sveitarstjórn vísar í bókun í lið nr. 10 í fundargerðinni varðandi gjaldskrármál í mötuneyti, staðfestir tillögu skólanefndar um ráðningu Jóhanns Marelssonar vegna skólaaksturs og samþykkir fundargerðina að öðru leyti.

**33. Skólanefnd: Fundargerð 2. fundar nefndarinnar vegna Undralands frá 30. október s.l.**

Oddviti kynnti fundargerð 2. fundar skólanefndar vegna Undralands frá 30. október s.l. Farið var yfir skólanámskrá Undralands, starfáætlun fyrir skólaárið 2018-2019 og mat/uppgjör starfsáætlun skólaárið 2017-2018. Ingibjörg fór yfir skýrslu leikskólastjóra og farið var yfir erindisbréf skólanefndar. Þá var farið yfir gjaldskrármál, samanburð á gjaldskrá, tillögu H-lista og hins vegar tillögu D-lista og óháðra. Nefndin samþykkti tillögu H-lista um að elsti árgangur leikskólans yrði gjaldfrjál frá og með 1. janúar n.k., frá 1. september n.k. verði gjaldfrelsi jafnframt sett á þau börn sem fara í grunnskóla að ári, systkinaafsláttur haldi sér í 50% en ekki verði ókeypis fyrir 3ja barn en börn utan sveitarfélagsins greiði full gjöld. Þá var farið yfir fjárhagsáætlun 2019 og gjaldskrá mötuneytis þar sem lagt var til að morgunhressing hækki úr 73 krónum í 75 kr, matur úr 340 í 350 og síðdegishressing úr 112 í 115 kr. Þá var farið yfir úttekt Heilbrigðiseftirlits Suðurlands og rætt um mál sem taka á fyrir á næsta fundi.

Meirihluti sveitarstjórnar samþykkir að gerðar verði ofangreindar breytingar á gjaldskrá m.a. að gjaldfrelsi verði á elsta árgangi leikskólans frá og með næstu áramótum.

Bókun frá D-lista Sjálfstæðismanna og óháðra: Tillaga D-lista um lækkun leikskólagjalda gætir jafnræðis og er í meiri takt við það samfélag sem við viljum búa í. Tillaga H-listans mismunar aldurshópum og gætir alls ekki jafnræðis meðal foreldra leikskólabarna Undralands. Í tillögu H-listans munu aðeins foreldrar fjögurra barna njóta góðs af þessari lækkun eins og staðan er í dag. Tillaga D-listans hefði nýst öllum foreldrum til jafns og systkinaafslátturinn haldið sér. Gaman var að sjá að H-listinn kom með tillögu um sama mál inn á sama fund í Leikskólanefnd Undralands. Ánægjulegt er hve meirihlutinn(H-listinn) er tilbúinn í lækkanir á leikskólagjöldum, til að gera Hrunamannahrepp ákjósanlegri stað til að búa á og fögnum við því að listinn taki undir að lækka þurfi leikskólagjöld.

Fulltrúum D-lista finnst sérstakt að tillaga listans hafi ekki komið inn í lið 6 í fundargerð um gjaldskrá, heldur hafi verið sérliður í dagskránni og búið sé að afgreiða tillögu H-listans og því búið að ákveða annað og samþykkja aðra aðferð um lækkun leikskólagjalda áður en tillaga D-listans var borin upp. D-listinn fordæmir svona vinnubrögð og er þetta ekki formanni skólanefndar Undralands til sóma að setja fundinn svona upp.

H-listinn var með það á stefnuskrá sinni í aðdraganda síðustu kosninga að leikskólinn yrði gerður gjaldfrjáls í áföngum með þessari aðferð. Einnig vísum við til greinargerðar í fundargerð skólanefndar vegna leikskóla, um tillögu H-listans, þar sem kemur fram að þetta sé fyrsta skref í því að leikskólinn verði gjaldfrjáls og þegar á næsta ári verða 2 árgangar gjaldfrjálsir.

Sveitarstjórn samþykkir fundargerðina að öðru leyti.

**34. Veitustjórn: Fundargerð 2. fundar nefndarinnar frá 31. október s.l.**

Oddviti kynnti fundargerð 2. fundar frá 31. október s.l. Lagt var fram stöðuyfirlit vatnsveitu og fráveitu og tillaga að fjárhagsáætlun 2019, tillaga gerð að gjaldskrá vatns- og fráveitu Hrunamannahrepps 2019, farið yfir fjárhagsáætlun Hitaveitu Flúða 2019 og tillaga að gjaldskrá fyrir hana. Þá var farið yfir tillögur að fjárhagsáætlun Hrunaljóss 2019 og gjaldskrá fyrir fyrirtækið.

Gert er ráð fyrir að gjaldskrá hitaveitunnar hækki almennt um 2,8% en heimæðagjöld hækki ekki. Þá var lagt til að að gjaldskrá Hrunaljóss verði óbreytt frá síðustu gjaldskrá þannig að mánaðarlegt notendagjald verði kr. 3.000 og heimæðagjöld sem njóta styrks úr Fjarskiptasjóði verði kr. 250.000. Þá var farið yfir stöðu mála varðandi Kópsvatnsholuna, tillögu um kaup á bifreið, auglýsingasamning við körfuknattleiksdeild UMFH og vinnu við að skipta út mælum í hita- og vatnsveitu.

Sveitarstjórn samþykkir fundargerðina og þær gjaldskrár og gjaldskrárbreytingar sem lagðar voru til.

**35. Veitustjórn: Fundargerð 3. fundar nefndarinnar frá 2. nóvember s.l.**

Oddviti kynnti fundargerð 3. fundar nefndarinnar frá 2. nóvember. Þar var farið yfir þarfagreiningu um kaup á bifreið fyrir Hitaveituna, tilboð metin og samþykkt að ganga að tilboði Bifreiðaumboðsins Heklu að fjárhæð kr. 8,2 millj. með VSK. Þá fór nefndin í skoðunarferð í dæluhús o.fl. sem tengist rekstri veitanna. Sveitarstjórn samþykkir fundargerðina.

**Fundargerðir v. samstarfs uppsveita Árnessýslu:**

**36. Fundargerð 164. fundar Skipulagsnefndar frá 10. október s.l. og afgreiðsla byggingafulltrúa frá 3. október s.l.**

Oddviti kynnti fundargerð 164. fundar skipulagsnefndar frá 10. október s.l.

Afgreiðslur einstakra mála sem varða Hrunamannahrepp eru eftirfarandi:

**Mál nr. 15: Sandskarð. Aðalskipulagsbreyting.**

Lögð er fram skipulags- og matslýsing vegna breytingar á aðalskipulagi Hrunamannahrepps 2016-2032. Lóðin Sandskarð, sem er 11.485 m<sup>2</sup> að stærð, er á skilgreindu landbúnaðarsvæði í gildandi aðalskipulagi (L5) en þó innan þéttbýlismarka Flúða. Aðkoma að lóðinni er frá Langholtsvegi nr. 341. Landbúnaðarland innan þéttbýlisins hefur ekki verið flokkað en fyrirhugað svæði er að nokkru leyti ræktað land.

Í tillögu að aðalskipulagsbreytingu verður skilgreiningu á landnotkun lóðarinnar breytt í íbúðabyggð. Gert verður ráð fyrir nokkuð sambærilegri byggð og nú þegar er við Vesturbrún (ÍB3) og þar með myndast samfella með skilgreindri íbúðabyggð við Vesturbrún (ÍB3). Gert er ráð fyrir að uppbygging verði heimiluð í samræmi við heimildir fyrir Vesturbrún þar sem heimil er blönduð íbúðabyggð í einbýlishúsum og raðhúsum á 1. hæð.

Sveitarstjórn gerir ekki athugasemd við afgreiðslu skipulagsnefndar og samþykkir að fresta málinu og óskar eftir lagfærðum gögnum þar skipulags- og matslýsingum verði skipt upp í hvert mál fyrir sig.

**Mál nr. 16: Grafarbakki II spilda. Aðalskipulagsbreyting.**

Lögð er fram skipulags- og matslýsing vegna breytingar á aðalskipulagi Hrunamannahrepps 2016-2032. Lóðin Grafarbakki II spilda 1 liggur suðaustan Flúða. Aðkoma að henni er frá Hrunavegi nr. 344. Norðurhluti lóðarinnar Grafarbakki II spilda 1 er á skilgreindu landbúnaðarsvæði í gildandi aðalskipulagi Hrunamannahrepps.

Í tillögu að aðalskipulagsbreytingu verður skilgreiningu á landnotkun norðurhluta

lóðarinnar breytt í afþreyingar- og ferðamannasvæði. Þar með eru svæði í þessum landnotkunarflokki orðin tvö í sveitarfélaginu. Það er í samræmi við stefnu sveitarfélagsins, að fjölga afþreyingarmöguleikum, til þess að ferðamenn dveljist þar lengur.

Sveitarstjórn gerir ekki athugasemd við afgreiðslu skipulagsnefndar og samþykkir að fresta málinu og óskar eftir lagfærðum gögnum þar skipulags- og matslýsingum verði skipt upp í hvert mál fyrir sig.

**Mál nr. 17: Efra-Langholt. Aðalskipulagsbreyting.**

Lögð er fram skipulags- og matslýsing vegna breytingar á aðalskipulagi Hrunamannahrepps 2016-2032. Spildan er úr landi Efra-Langholts, austan Langholtsveggar, við frístundasvæðið F16. Aðkoma að svæðinu er frá Langholtsvegi nr. 341. Svæðið sem um ræðir í landi Efra-Langholts er 10 ha að stærð og er á skilgreindu landbúnaðarsvæði. Spilda þessi liggur að þegar skipulögðu frístundasvæði úr landi Efra-Langholts, Sunnuholti og Lindarseli.

Í tillögu að aðalskipulagsbreytingu verður skilgreiningu á landnotkun svæðisins breytt í frístundasvæði. Þar með myndast samfella með frístundasvæðinu F16 úr landi Efra-Langholts.

Sveitarstjórn gerir ekki athugasemd við afgreiðslu skipulagsnefndar og samþykkir að fresta málinu og óskar eftir lagfærðum gögnum þar skipulags- og matslýsingum verði skipt upp í hvert mál fyrir sig.

**Mál nr. 18: Reykjaból. Byggingarmagn á lóð.**

Lögð er fram fyrirspurn Gunnars Ö. Harðarssonar og Önnu Kristjánsdóttur vegna lóðarinnar Reykjaból 21 hvort heimild fáist til að byggja sumarhús á lóðinni.

Sveitarstjórn gerir ekki athugasemd við afgreiðslu skipulagsnefndar og tekur jákvætt í fyrirhugaðar áætlanir um byggingu sumarhúss á lóðinni með fyrirvara um samþykki allra þinglýstra lóðareiganda en bent er á að nýtingarhlutfall fyrir byggingarmagn skuli ekki vera hærra en 0,03.

**Mál nr. 19 : Afgreiðslur byggingarfulltrúa.**

Lögð fram til kynningar afgreiðslur byggingarfulltrúa frá 4. október.

**37. UTU bs: Fundargerð stjórnar frá 10. október s.l.**

Oddviti kynnti fundargerð 36. fundar stjórnar UTU bs. Samþykkt var að auglýsa eftir nýjum skipulagsfulltrúa. Sveitarstjórn staðfestir fundargerðina.

**38. Skólaþjónustu- og velferðarnefnd Árneshöfða: Fundargerð 29. fundar frá 17. október s.l.**

Oddviti kynnti fundargerð 29. fundar skólaþjónustu- og velferðarnefndar. Þar var kynning um stöðu helstu málaflokka, lögð fram tillaga um breytingu á gjaldskrá og upphæð fjárhagsaðstoðar fyrir árið 2019, lögð fram tillaga frá forstöðumanni um breytt skipulag Skóla- og velferðarþjónustunnar og trúnaðarmál. Sveitarstjórn samþykkir tillögu um gjaldskrá fyrir árið 2019. Varðandi tillögu um breytingar á skipulagi starfseminar er vísað til bókunar á fundi NOS í máli nr. 39 hér að neðan en staðfestir fundargerðina að öðru leyti.

**39. NOS: Fundargerð aðalfundar NOS frá 30. október s.l.**

Oddviti kynnti fundargerð aðalfundar NOS. Þar var farið yfir skýrslu stjórnar, starfsemi ársins 2017, ársreikning 2017, fjárhagsáætlun ársins 2019 og ráðningu endurskoðanda. Þá var fjallað um aukna sálfræðiþjónustu, starfshlutfall náms- og starfsráðgjafa í Uppsveitum og Flóa og námskeið fyrir skólanefndir. Sveitarstjórn samþykkir fundargerðina.

**40. Oddvitanefnd UTU: Fundargerð nefndarinnar frá 31. október s.l.**

Oddviti kynnti fundargerð oddvitafundar UTU frá 31. október. Þar var fjallað um stöðuna á seyruverkefninu, skoðuð fjárhagsstaða og fjárhagsáætlun 2019, farið yfir gjaldskrá Seyrustað fyrir árið 2019 og önnur mál. Sveitarstjórn samþykkir fyrir sitt leyti að ráðast í byggingu húss á Seyrustöðum, fjárhagsáætlun 2019 og fundargerðina að öðru leyti.

**41. Önnur mál.**

**Fundargerð 165. fundar Skipulagsnefndar frá 31. október s.l. og afgreiðsla byggingarfulltrúa frá 17. október s.l.**

Oddviti kynnti fundargerð 165. fundar skipulagsnefndar frá 31. október s.l. Afgreiðslur einstakra mála sem varða Hrunamannahrepp eru eftirfarandi:

**Mál nr. 13: Berghylur. Deiliskipulag.**

Lögð fram að nýju deiliskipulagstillaga fyrir bæjartorfu Berghyls í Hrunamannahreppi. Samkvæmt fyrri tillögu sem hefur verið auglýst var gert ráð

fyrir lóðum undir 4 smáhýsi, einni íbúðarhúsalóð, lóð fyrir gripahús og lóð fyrir vélaskemmu. Samkvæmt lagfærðri tillögu er gert ráð fyrir allt að 4 húsum til gistingar hvert allt að 98 m<sup>2</sup> að stærð auk lóða undir íbúðarhús, vélageymslu og gripahús.

Sveitarstjórn gerir ekki athugasemd við afgreiðslu skipulagsnefndar, samþykkir breytta deiliskipulagstillögu og að hún verði auglýst að nýju skv. 1. mgr. 41. gr. skipulagslaga nr. 123/2010. Sveitarstjórn bendir á að lagfæra þarf orðalag skipulagsins vegna vatnsveitu þar sem skipulagssvæðið tengist vatnsveitu Hrunamannahrepps.

**Mál nr. 14: Hrafnkelsstaðir. Umsókn um byggingarleyfi vegna skemmu.**

Lögð er fram umsókn Aðalsteins Þorgeirssonar um leyfi til að fjarlægja geymslu 90 m<sup>2</sup> byggingarár 1950 og endurbyggja/stækka skemmu 216,3 m<sup>2</sup> á jörðinni Hrafnkelsstaðir 3 (L166764) í Hrunamannahreppi.

Sveitarstjórn gerir ekki athugasemd við afgreiðslu skipulagsnefndar að byggingarfulltrúi gefi út byggingarleyfi fyrir nýrri skemmu með fyrirvara um grenndarkynningu.

**Mál nr. 15 : Afgreiðslur byggingarfulltrúa.**

Lögð fram til kynningar afgreiðslur byggingarfulltrúa frá 17. október.

**Fundargerðir v. samvinnu sunnlenskra sveitarfélaga:**

- a. **SASS: Fundargerð 527. fundar stjórnar frá 3. október s.l.**  
Lagt fram til kynningar.
- b. **SASS: Fundargerð 538. fundar stjórnar frá 17. október s.l.**  
Lagt fram til kynningar.
- c. **Fagráð Tónlistarskóla Árnesinga. Fundargerð 189. fundar fagráðs frá 12. október s.l.**  
Lagt fram til kynningar.
- d. **Sorpstöð Suðurlands: Fundargerð 270. fundar stjórnar frá 1. október s.l.**  
Lagt fram til kynningar.
- e. **Byggðarsafn Árnesinga: Fundargerð 3. fundur stjórnar frá 18. október s.l.**  
Lagt fram til kynningar.
- f. **Byggðarsafn Árnesinga: Fundargerð 4. fundur stjórnar frá 30. október s.l.**  
Lagt fram til kynningar.
- g. **Heilbrigðisnefnd Suðurlands: Fundargerð 191. Fundar nefndarinnar frá 31. október s.l.**  
Lagt fram til kynningar.

**Kynningarmál:**

- h. **Samband íslenskra sveitarfélaga: Fundargerð 864. fundar stjórnar frá 10. október s.l.**  
Lagt fram til kynningar.
- i. **Hrunaljós: Verkfundargerð frá 11. október s.l.**  
Lagt fram til kynningar.
- j. **Hrunaljós: Verkfundargerð frá 24. október s.l.**  
Lagt fram til kynningar.

**Fundir framundan:**

- k. **Ársfundur náttúruverndarnefnda 2018 á Flúðum 8. nóvember n.k.**  
Lagt fram til kynningar.
- l. **Umhverfisþing Grand Hótel, Reykjavík 9. nóvember n.k.**  
Lagt fram til kynningar.
- m. **Umræðu- og samráðsfundur vegna kjaraviðræðna á Selfossi 12. nóvember n.k.**  
Lagt fram til kynningar.
- n. **Árshátíð starfsfólks Hrunamannahrepps 16. nóvember n.k.**  
Lagt fram til kynningar.

Fleira ekki tekið fyrir, fundi slitið kl. 19:35.